

سنه لکی در سعادت ایچون مجیدیه
بکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

فکرانک محاکمه سی

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه یه متعلقدر

توجیهات

ایچ ایل سنجانی بدایت محکمه سی جزا دائره سی
ریاستی پرزرین سنجانی بدایت محکمه سی جزا
دائره سی ریاستندن منفصل محمد بشیر افندی یه
عماره سنجانی بدایت محکمه سی مدعی عمومی
معاونلکی مکتب حقوق شاهانه مآذونلرندن ابراهیم
فخری افندی یه تفویض بیورلش ومومی الهمانک
« ذات شوکتیمات حضرت خلافتناهی یه ودولت
علیه لرینه صادقانه حسن ایفای خدمت ایده جک لرینه
وخلاف ناموس و صداقت ومغایر عدالت احوال
وحرکاتی ده ارتکاب ایله جک لرینه » دائر امر تحلیف لری
اجرا قلمشدر .

بیروت ولایتی مرکز بدایت محکمه سی اجرا مأموری
عزتلو محمد افندی یه ترفیعاً رتبه ثانیه صنف متمیزی
توجیه بیورلشدر .

نشان

عهده سنه اناطولی قاضی مسکر لکی توجیه بیوریلان
محکمه تمیز اعضا سندن سماحتلو مظهر افندی
حضرت لرینه تبدیلاً برنجی رتبه دن مجیدی نشان ذیشانی
ادرنه وسلانیک ولایت لری عدلیه مفتشی سعادتلو
امین بک افندی حضرت لرینه ایکنجی رتبه دن نشان عالی
عثمانی احسان بیورلشدر .

تجربین و تحویل

[اسکچه قضاسی بدایت محکمه سی اعضا لغه :]
صوفیلو بدایت محکمه سی باش کابی علی رائق افندی
دعوی وکیللرندن قره بت افندی
[داره دری قضاسی بدایت محکمه سی اعضا لغه :]
اسکچه قضاسی بدایت محکمه سی برنجی کابی
ابراهیم بهجت افندی

دده اغاج بدایت محکمه سی اعضای سابقه سندن
ظفیراکی افندی
[اخی چلبی قضاسی بدایت محکمه سی اعضا لغه :]
کلیولی بدایت محکمه سی اعضا ملازمی سابق
ابراهیم افندی
کلیولی بدایت محکمه سی اعضای سابقه سندن
خریسانتولغوفت افندی
[سلطان یری قضاسی بدایت محکمه سی اعضا لغه :]
کوتاهییه بدایت محکمه سی اعضا ملازملرندن
بکر افندی
بروزه تجارت محکمه سی باش کابی علی عفت افندی
[اگری دره قضاسی بدایت محکمه سی اعضا لغه :]
ادرنه ولایتی استینافی محکمه سی ضبط کتبه سندن
فتیحی افندی

اخنی چلبی بدایت محکمه سی مستطق معاونی
علی رضا افندی
[دلونیه قضاسی بدایت محکمه سی اعضا لغه :]
قورولش بدایت محکمه سی اعضای سابقه سندن
علی چلو افندی
ارگری بدایت محکمه سی اعضای سابقه سندن
نیقولایکی زوطنندی افندی
[تبه دلن قضاسی بدایت محکمه سی اعضا لغه :]
ارگری بدایت محکمه سی اعضای سابقه سندن
مختار افندی

دعوی وکیللرندن خرستو دیل افندی
[برمدی قضاسی بدایت محکمه سی اعضا لغه :]
ارگری بدایت محکمه سی اعضای سابقه سندن
ادریس غالب افندی
محکمه مزبوره اعضای سابقه سندن یانی پایادویلور
افندی

[پوغون قضاسی بدایت محکمه سی اعضا لغه :]
پوغون قضاسی نائی علی مرآضی افندی
محکمه مذکوره اعضای سابقه سندن یانی ملوافندی
[حیاره قضاسی بدایت محکمه سی اعضا لغه :]
زور بدایت محکمه سی اعضای سابقه سندن علی
ارسلان افندی

تبلیغات

ارگری بدایت محکمه سی اعضای سابقه سندن واسیلاکی
خاجی یانی افندی تعیین اولنور رق مومی الهمانک
علی الاصول اجرای تحلیف لری محاکمه یه تبایغ وانبیا
قلمشدر .

قانون جزانک الی سکرنجی ویوز التمش التنجی
ماده لرینه ذیل اولتان فقراته ذیل اولمق اوزره قلمه
آلنوب شورای دولت ومجلس مخصوص وکلا قرارلرله
لدی الاستیذان مرعیت احکامنه ۵ شعبان سنه ۱۳۲۱
۱۴ تشرین اول سنه ۱۳۱۹ تاریخده اراده سنی جناب
خلافتناهی شرفتملق بیوریلان ایکی فقره قانونیه در :

قانونه جزانک الی سکرنجی ماده سنه ذیل اولتانه
فقرانه ذیل اییدیلور فقره قانونیه :

حکومت سنیه نیک مساعده سی اولیه رق بمالک
دولت علیه جزئی وکلی دینامیت ادخال و قبول
وکتیم واعمال ایدنلر و بیله رک بو حاللری تسهیل ایلیانلر
اون بش سنه واشبو افعالک بر ماده فساد مبنی
اولدینی تبیین ایدر ایسه متجاسر لری مؤبدأ کورکه
قونور وماده فساد فعله چیقار ایسه اعدام اولنور .

قانونه جزانک بوز التمش التنجی ماده سنه ذیل
اولتانه فقرانه ذیل اییدیلور فقره قانونیه :
مغایر نظام اوله رق باروت وفشنگ اعمال و چقا
تحلیق صورتیلله ادخال ایدنلر و بونلرک شریک لری
اوج سنه مدته کورکه وضع اولنور .

اصحاب مطلوبدن اکثریسنک موافقتیلله بر مفلسک
تنظیم اولسان قونقور داتوسی احکامنی اجرا ایچون
ارائه ایلدیکی کفیللرک اقلیتده قالان دیگر آله جقولورایله
ایلروده ظهور ایده جک سائر اصحاب مطلوبه قارشو
مسئول اولوب اولمدقلرینک تعیینی حقنده میخالیج
قضاسی بدایت محکمه سی ریاستندن وقوعبولان استفسار

اوزرینه قانون تجارتك ایکی یوز یکریمی اوچنچی ماده سنده کوسترلیدیکی اوزره مفلسك بلانچو تعبیر اولنور موازنه دفترنده مقید وغیرمقید اولان وتحقیق دیون معاملات قانونیه سی جریان ایش ویا تحقیق ایلامش ویا خود مالک عثمانیه دن خارج محله مقیم اشخاصه عائد بولنش اولان واحتیاطاً مذکور موازنه دفترینه ادخال قناتن مطلوبات حقننده قوقورداتو احکامك مرعیتی طبیی و بونک اجرایی تأمین ایچون ارانه ای دیلان کفیلرک کفالت واقعه لرینک بوقیل مطلوباته دخی شمولی بدیلی بولنش ایکن تطبیقات قانونیه جه تردد واشتباهی موجب اولیان شو خصوصک استیضاحه قیام ایله مواد مستعجله دن اولان امور افلاسیه محاکماتک تمویق ایلمسی غیرجائز بولنش وعلی الخصوص استفسار اولنان مسئله به متعلق دعوانک علی بدایت محکمه سی تجارت قسمنجه در دست تدقیق ایدوکی صورت اشعاردن منظم اولوب بویه محاکمه تدقیقات ومحاکاتی اجرا قلمقنده اولان دعواندن طولانی استفسار کیفیت قوانین موضوعه احکامنه توفیقاً اعطای حکم صلاحیتی جائز اولان هیئت حاکمه نك وظائف مودوعه سیله متناسب اولدینی حالد هیئت مذکورجه استفسار واقع جوابك ورودینه قدر ایشك تأخیرینه قرار ویرلمی ده شایان مؤاخذه احوال دن کورنش اولدیغندن بورالرنك وبعدا زین خصوصات مماثلده قانون و اصول ونظامه توفیق معامله اولنمی لازم کله چکنک ریاست مذکوریه تبلیغی انجمن عدلیه دن افاده واولوجه عدلیه نظارت جلیله سندن محله تبلیغ ماده قلمشدر .

محاکمات قلمشدر

اطنه ولایتی مرکز تجارت محکمه سی رئیس سابق پرودروموس افندینک اوراق انفصالیه و مدافعه نامه سی انجمن انتخاب مأمورین عدلیه جه لدی التدقیق جواز استخدانه قرار ویرلمشدر .

تولید ایلدیکی ولد نامشروعنی اخناق واتلاف الیمسندن طولانی جنایتله اتهام اولنان اسکوبی منور بنت عثمك اون بش سنه مدته کورکه قولنسه دائر قوصوه ولایتی استیفاف محکمه سی جزا دائره سندن ویریلان ۱۲۰ نومرولی اعلام

اشقودره ولایتی اشراقندن یچی بکی قتل ایله یکی ادعا قلمسندن طولانی جنایتله اتهام اولنان طوم پرل ودوق لان غوله وکتوداقه نك اون بشر سنه مدتلره کورکه قولنلرینه دائر ولایت مذکور

استیفاف محکمه سی جزا دائره سندن ویریلان ۲۷ نیشان سنه ۳۱۸ تاریخی اعلام قوزانه لی آرکیری بی قتل قصدیه جرح ایلدیکی ادعا قلمسندن طولانی جنایتله اتهام اولنان میقه ولد واسیلک اوچ سنه مدته کورکه قولنسه دائر سرفیجه سنجانی بدایت محکمه سی جزا دائره سندن ویریلان ۳۸۵ نومرولی اعلام

طریق عامده علیش ورفقاسنک نقود واشیانی غصب الیمسندن طولانی جنایتله اتهام اولنان صیغر بن ساری الهمسینک بش سنه مدته کورکه قولنسه دائر سوریه ولایتی استیفاف محکمه سی جزا دائره سندن ویریلان ۲۱۸ نومرولی اعلام

اخوریا قریه سندن استانی بنت طنساننی قتل قصدیه جرح الیمسندن طولانی جنایتله اتهام اولنان قریه مذکورلی خرسو یانینک اوچ سنه مدته کورکه قولنسه دائر یانیه ولایتی استیفاف محکمه سی جزا دائره سندن ویریلان ۱۳۷ نومرولی اعلام

معلوم الاسامی اشخاصک دکاتی آلت مخصوصه ایله آچهرق دقیق وطواق سرقت ایتملرندن طولانی جنایتله اتهام اولنام قلاچی حسین اوغلی احمد ورا دری خورشیدک اوچ سنه مدتلره کورکه قولنلرینه دائر ادرنه ولایتی استیفاف محکمه سی جزا دائره سندن ویریلان ۴۱ نومرولی اعلام

کلیسک شیخه محله سندن حسینی انانی راهده صومعه تصدی و قتل قصدیه جرح ایلدیکی ادعا قلمسندن طولانی جنایتله اتهام اولنان کسکم قضا سندن منصور بن خلیلک بش سنه مدته کورکه قولنسه دائر حلب ولایتی استیفاف محکمه سی جزا دائره سندن ویریلان ۳۳۳ نومرولی اعلام

که جیلر قریه سندن قهوه چی اوغلی عبدینک ماده قتلندن طولانی جنایتله اتهام اولنان احمد بن علی عثمانک اون بش سنه مدته کورکه قولنسه دائر قریه حصار صاحب سنجانی بدایت محکمه سی جزا دائره سندن ویریلان ۸۶ نومرولی اعلام

رومی قریه لی سولونک قتل قصدیه جرح اولنمسندن طولانی جنایتله اتهام اولنان حلیم بن طاهرک درت سنه مدته کورکه قولنسه دائر برات سنجانی بدایت محکمه سی جزا دائره سندن ایکنچی دفعه اوله رق ویریلان ۲۸۵ نومرولی اعلام محکمه تمیز جزا دائره سنجیه تصدیق اولمشدر .

در سعادت جنایت محکمه سندن تنظیم واعطا

قناتن ۱۰ نیشان سنه ۱۳۱۹ تاریخی اعلام مدر: بیک اوچوز اون سکر سنه سی ایلونک اون

برنجی چهارشنبه کیجه سی ات یزده بازید جدید محله سنده کائن خانه سنده قتل ایلنش اولان امینه خاتمک کیفیت قتلندن طولانی مظنون علیه اولان قویله یی یکریمی سکر باشند اولوب صابیه ات یز محله سنده اقامتله بوشده کزن عده بن احمدک جنایتله اتهامه دائر هیئت اتهامیه دن تنظیم قناتن ۱۱ کانون اول سنه ۳۱۸ تاریخ و ۵۲۶ نومرولی مضبطه ایله استیفاف مدعی عمومیلکنک ۳۰ کانون ثانی سنه ۳۱۸ تاریخی اتهامنامه سی اوراق متفرعه سیله معاً محکمه جنایتله تودیع قلمغله بالمطالعہ تفصیلاتی اولیابده طولانیان ضبطنامه دن مستبان اوله جنی اوزره اصول محاکات جزائی قانونک باب نائینک فصل رایعنده محرر اولان معاملات ابتدائی بغدادلیفا اوچوزاون سکر سنه سی شابطک اون یشتی جمعه ایرلی کونی منم مرقوم علی الاصول توقیفخانه دن کتوردیلرک وکیلی سیف الدین واستیفاف مدعی عمومی معاونلرندن عزتلوا دهم بکر حاضر اولدقاری حالد اجرای محاکمه علیه به بالایتدار منم ایله وکیل مومی الیه اخطارات قانونیه لازمه ایضا قلندقدن صکره هیئت اتهامیه مضبطه سیله اتهامنامه ضبط کای صیچی بکه اوقوندیرلدی. مذکور مضبطه ده امینه خاتمک کیفیت جرح و قتلندن طولانی مظنون علیه اولان عده حقننده اوراق تحقیقه ده موجود مرقومک صورت افاداتی و اخبارات ودلائل و امارات ایله ضبط ورقه لرلی و معاینه راپورلری مندرجاتی اتهامنه کافی کورلش و حرکت واقعه سی قانون جزانک یوز یتمش دردنجی ماده سنک فقره اخیره سی حکمتی مستلزم افعال جنایتیه دن بولنش اولدیغندن جنایتله اتهامنه قرار ویرلدیکی محرروا اتهامنامه ده دخی مرقوم عده مضبطه مذکور مندرجاتی وجهله قتل جنایتک متعمد افعالی اولغله اتهام ایلدیکی مسطردر .

اتهامنامه نك خلاصه سی جانب ریاستندن منم مرقومه تفهیم و انبا و معاون مومی ایله طرفندن ده تشریح دعوی اولنمی معقب مرقوم سولتدرلدکده فعل مدعا به مجاسرتی انکار ولدی الاستیضاح کندوسی همشیره سی مزبور نك خانه سنده رابرجه اقامت ایدر اولدیغنی وبعضاً یکدیگرینه قارشو طاریلور ایسه لرده بوحال دوام ایتمیوب عقینده باریشور ایدوکاری و اوستنده کی البسه ده دخی قان لکمی بولمدیغنی تذکار ایلدی .

منم مرقومک استیظافنامه سی قرائت ایتدیرلدکده مندرجاتندن کندوسی مملکتندن اوچوز اون سکر سنه سی تموزینک سکر نده در سعادت کله رک همشیره سی امینه نك خاتمک ات یز محله سنده کائن خانه سنده اقامت ایله بر خلی مدت برایش بولق ایچون چالشمش

ایسه ده بوله مدینندن مزبور [ارتق بن بنی بسلیم نزهیه ایستر ایسه کیت] دهرک سنه مرقومه ایلونک التنجی کونی کندوسی خانه سندن طرداجمی اوزرینه مقدما طایندینی قوجه مصطفی پاشاده کائن یوسف افندینک خانه سنه کیدوب ایکی کیجه اوراده قالدیغنی و اوچنچی کیجه اقسرا ده قره غولخانه قارشوسنده مستان اغانک قهوه خانه سنه کچ وقت کیمکله قهوه خانه ک قبالی بولنمندن ناشی طیشاریسند بولنان بیکه نك اوزرنده یاندیغنی و برکیجه مذکور قهوه خانه نك قارشوسنده کی آتچی مسطفا نك دکاندده قالدقدن صکره فرداسی ات یزده کائن امام فیضی افندینک قهوه خانه سنه کیدرک بش و بکچینک کله سنده دخی برکیجه بیتوت ایتدیکنی و خانه دن چیقدینی اشناده اوزرنده بولنان سیاه چاکت و بیک و بساض مهاجر بز کومک ایله لاجورد رنگه پانظالوندن عبارت اولان البسه سندن ماعدا برشی اولدیغنی و بئاق طاقی ایله چاشیرلری و برعدد دخی عسکر ستره سی و نفوس و یول تذکره لرلی خانه قالدیغنی و خانه دن طرد اولدیغنک فرداسی اشیای مذکوریه یی آلق ایچون مومی ایله یوسف افندینک زوجیه سی هرمن خاتمی همشیره سنک خانه سنه کوندرمش ایسه ده مزبور نك نه کندوسی خانه سنه قول ایله جکی ونده اشیانی و بره جکی هرمن خانه سولیدیکندن مزبور دخی کندوسنه کیفیت اخبار ایتدیکنی و آره دن برکون کچدکنصکره مزبور هرمن خانم ایله برابر تکرار همشیره سنک خانه سنه کیمش ایسه لرده بوله مدقلرندن عودت ایلدکلرنی وایکی کون صکره مومی ایله فیضی افندینک قهوه خانه سنده یاندیغنی صره ده اشیانی المق ایچون ایکی دفعه همشیره سنه مراجعت ایلدیکی حالد آله مدیغندن بخله مذکور اشیانک کندوسنه ویرلمی همشیره سنه تنیه البسنی مومی ایله فیضی افندی به سولیدیکندن بکچی ایله برابر کیدوب سولیکز دیمسلیه بکچی محمدی بالاستصجاب تکرار خانه به کیمش ایسه ده بوله مدقلرندن عودت ایلدکلرنی و اقشای قهوه خانه ده بولندینی اشناده اوراده او طور مقده بولنان نیازی و شریف اقدیلر کندوسنه خطاباً: [سزک باغچه آجیلان مطبخ قومی آرقه سنه قدر آچیمش همشیره ک برره کیمش اولسه آچیق براقاز] دیلرله کندوسی ده وقوع حالی امام فیضی افندی به حکایه ایتسی و کیفیت قره غوله اخبار ایلدی اوزرینه بولیس عاکف افندی و بکچی محمد و سائر ایله برلکده مذکور خانه به کیدرک قوبی اورمش ایسه لرده سس چیقدیغندن و وقتک کیجه اولمندن خانه به کیرمکی فردایه تعلیق ایله عودت ایتدکلرنی و فرداسی به کیدوب قومشودن آلدقاری برزدبان ایله دیواردن آشهری باغچه ایتدکلرنی و مطبخ قومی

آچیق کورمارله درون خانه به کیدرک نده همشیره سنک آلت قنده کائن براوطه ده مقتوله اوله رق یاتقده اولد یغنی کوردیکنی و عسکردن چقبوب مملکتته کیدر ایکن همشیره سنه الی عدد عثمانی لیراسی بر اقدیغندن عودتنده ایکی ایراسنی آلتش ایسه ده متبافسی مزبورده قالدیغنی و مزبور نك بالاس کوبه سی و اطرافی الماسلی و قرمزنی طاشلی بر یوزوکی ایله یشیل برشیده باغلیوب بوننه تعلیق ایلدیکی ایکی عدد بشی بر یرده آلتونی بولوب یوزوکی بعضاً بارمغه طاقار و بعضاً ده اوتیه برویه راقیر و کوبیده قونسولک کوزنده وقونسول آناختارنی دخی باندده حفظ ایدر ایدوکنی و زقاق قونسک ایکی عدد آناختاری اولوب قونک آرقه سنده آصلی طور دیغنی و کندوسی کیجه لرلی قهوه خانه به کیتدیکی وقتده آناختاری یانسه آلدیغنی و مزبور نك کندوسی طرد ایلدیکی زمان قوب آناختاری مزبوریه و بریدیکنی و مرقوم مستان اغانک قهوه خانه سنده یالکز بولدیغنی بر زمانده جام پارچه سی ایله طرناغنی قازیر ایکن کیدیکندن پارمغدنکی یارنه نك بوصورته حاصل اولدیغنی و بارمغنک کسلیسمی عقینده قهوه خانه قارشوسنده بولنان بقالدن بش باره لق صوده آله رق کسیلان محله قویدیغنی و پارمغنی کسیدیکنی صره ده قهوه خانه ده کیمسه اولدیغنی و صوده دیده بقالک کندوسندن اشرا ایلدیکندن مرقومک بیلور ایدوکنی افاده ایلدیکی اکلا شملغه اشبو افاده سنه نه دیه جکی متهمدن صورلدقه برده جکی اولدیغنی سرد ایلدی . (مابعدی کله چک نسخه به)

خلیلی ضرب و صافیاز خانی جرح ایلدکلری ثابت اولان بولجی زاده محله سنده ساکنه بیکناز خانه محمدک برهفته حبس لرینه راعبک علی اغانی ضرب ایلدیکی ثابت اولدیغندن بریجی آلتون آله رق مضروب اعطاسنه پنه و کریمه سی فاطمه خاتمه اطاله لسان ایدن قاسم پاشاده ساکنه عایشه خاتمدن لرلر جزای نقدی اخذینه در سعادت و بیک اوغلی بدایت محکمه لرلی جزا دائره لرجه قرار ویرلمشدر .

اعلانات

در سعادت جنایت محکمه سنده :

بیک اوچوز اون طقوز سنه سی مایسنک اون طقوزنجی کونی بندکده طوب سروی نام محله احمد اوغلی قشای جرح ایلدیکی ادعاسیله منم اولان ووقعه یی معقب فرار ایدن اورته بوبی سیاه کور بیتی قره

قاشلی و قویو الا کوزلی مدور چهره لی اسمرجه بکزیلی یکریمی بش ویا یکریمی سکر یاشرلنده بولنان باغ بکچیی ماطلی یوسف آلان در دست ایدیه مامش اولدیغندن تاریخندن اعتباراً جانب ریاستدن کندوسنه مجدداً اون کون مهل اعطا قلمشدر مهل معین ظرفده مرقوم کلدیکی حالد قانونه اطاعت ایتمامش نظر بایه باقیله رق کندو سنک حقوق مدنیه دن اسقاط قله جنی وعلینده دعوا به قیام اوله جنی و بوصره ده برکونه ادعا به حق اولمه جنی و اموالنک حیز آلتنه آله جنی و باطله ضابطه عدلیه مأمورلرنک کندوسی طوتقه مجبور بولندقاری کی معاملات جزیه حقنده دخی مدعی عمومیلک تبلیغات مقتضیه اجرا ایلدیکی جهتله اصول محاکات جزائییه قانوننک اوچوز یتمش برنجی و اوچوز یتمش ایکنچی ماده لرندن استنباط اولنان احکامه توفیقاً اشبورقارنامه بالتنظیم اعلان اولنور .

تجارت بحیره محکمه سنده :

بالق بازارنده بشکطاش اسکله سنده قهوه چیلک ایتکده ایکن تجارت بحیره محکمه سندن افلاسنه حکم اولنش اولان مائوس اوغلی اسطاشک خصوصات افلاسیه سنک رؤیت و تسویه سی ضمانتده آکاه بک ایله باولاکی یادکار اوغلی افندی اصالة سندینک تعین قلمش اولدقارندن مفلس مرقوم ذمتنده آله جنی اولانلرک قانوننامه تجارتک ۱۹۹ و ۲۰۰ نجی ماده لرلی موجبجه تحقیق دیون ایچون تاریخ اعلاندن اعتباراً یکریمی برکون ظرفده سنداتی محکمه کابینه تسلیم ایللری ومدت مذکور ختامندن صکره اوچ کونده یعنی ۳۱۹ سنه سی تشرین نائینک اون برنجی صالی ، اون ایکنچی چهارشنبه و اون اوچنچی پنجشنبه کونلری تجارت بحیره محکمه سنک افلاس او طه سنه کله رک سندیک اقدیلر مواجه سنده آله قجلرنی اثبات و قید و تصدیق ایتدیرملری ومدت مذکورده اثبات وجود ایدمیان آله جقلولر حقنده قانون مذکورک ۲۱۰ نجی ماده سنه توفیقاً ایضای معامله اوله جنی اعلان اولنور .

مدالو ستیغنی تجارت محکمه سنده :

مدالو تجارت محکمه سنجه افلاسنه قرار ویریلوب مراسم اعلانییه سی اجرا قناتن بیلمار قصیه سنده مقیم تجارتدن دیمتری قوقارینک قانوننامه تجارتک یوز طقسان طقوز وایکیوزنجی ماده لرلی موجبجه تدقیق وتحقیق دیونیه مبادرت اوله جغندن مفلس مرقومدن آلاحق ادعاسنده بولنانلرک اشبوعانن تاریخنندن اعتباراً یکریمی برکون ظرفده اوراق مثبته لرله برابر محکمه تجارتده ووز قومیسره مخصوص اولان او طه به کلری

ومدت مذكوره ختامندن صكره اوچ كونده يعنى شهر تشرين ثانيك دردنجي صالى، بشنچي چهارشنبه والتنجي پنجشنبه كونلري آلاچقلىرى اثبات وقيد وتصديق ايتديرملري ومدت مذكوره ده اثبات وجود ايدهميان آله جقاولر حقنده قانون مذكورك ايكينوز اوننجي ماده سنه توفيق معامله ايديله جكي اعلان اولنور.

اعلانات نظاميه اجرا دائره سنده :

حسن افدينك پيرجي اصنافندن سليمان افندي ذمتده محكوم به آلاچنى اولان مبالغ معلومه نك تأمين استيفاسيچون مرهون وفروختي محكوم بولنان برنجي دائره بلديه داخلنده باغچه قپوسى سمتده آخى چلجي محله سنده چارداق زقاغنده تخميناً سكران آرشون عرصه اوزرينه مبنى درت قانندن عبارت اولوب فوقده ايكي اوطه و برصالونى حاوى يوز اون بش نومرولو برباب دكان كدكك ربع حصه سنك تاريخ اعلانندن اعتباراً اون بش كون صكره بالمزايدة فروخته تشبث اولنه جنى درسعادت اعلانات نظاميه اجرا دائره سنندن اعلان اولنور.

قسطنطيني ولد خريستونك سودجى ناكى سوطيرو ذمتده محكوم به آلاچنى اولان مبالغ معلومه نك تأمين استيفاسيچون مجوز بولنان يدي قله ده قازلى چشمه ده تيمور خانه جاده سنده كائن تريبعا التمش ايكي نومرولى عرصه اوزرينه مبنى مجدد كاركيرو فوقده ايكي اوطه و برصالون آلتنده برخزن و دروننده برقيوي حاوى قرق التى و قرق سكر نومرولى دكانك ملكيله دروننده برر كدكك نصف حصه شايه سنك تاريخ اعلانندن اعتباراً اون بش كون صكره بالمزايدة فروخته تشبث اولنه جنى درسعادت اعلانات نظاميه اجرا دائره سنندن اعلان اولنور.

محمد امين افدينك يامن افندي ذمتده آلاچنى اولان مبالغ معلومه نك تأمين استيفاسيچون مرهون وفروختي محكوم بولنان كوچك مصطفى باشاده منلا خسرو محله سنده آجي چشمه زقاغنده كائن اون يدي نومرولى تخميناً يوز يكرمى آرشون عرصه اوزرينه مبنى بودروم قانى كاركيرو و ديكرلى اخشاب اوله رق اوچ قانندن عبارت بولنان داخل و خارجى بويالى ايكي اوطه و صوفه و بر مطبخ و دروننده قيو و بودروم و صوفه خزينه سى و آرقه جهتده تخميناً اللى درت آرشون باغچه و مشتعلات سائره ي حاوى برباب خانه نك تاريخ اعلانندن اعتباراً اون بش كون صكره بالمزايدة فروخته تشبث اولنه جنى درسعادت اعلانات نظاميه

اجرا دائره سنندن اعلان اولنور.

بك اوغلى بدایت محكمه سى اجرا دائره سنده :

عبد الستار بكك نيقولى به بك اوغلى ايكنجي حقوق دائره سى اعلاميله دينى اولان معلوم المقدار مبالغك تأمين استيفاسى ضمانتده بلاطده حاجى عيسى محله سنده سناوى زقاغنده كائن اولوب وقف بولنان مكرر ايكي نومرولى و شهرى اوچ مجيدى بدل ايجاره متحمل كاركيرو برباب قهوه خانه حجز آلتنه التمش اولديغندن تاريخ اعلانندن اعتباراً اون بش كون صكره بالمزايدة فروخته تشبث اولنه جنى بك اوغلى بدایت محكمه سى اجرا دائره سنندن اعلان اولنور.

حسين ضيا بكك احمد لطيف افندي ذمتده بك اوغلى بدایت محكمه سى ايكنجي حقوق دائره سنك بر قطعه اعلامى موجبجه محكوم به آلاچنى اولان معلوم المقدار مبالغك تأمين استيفاسى ضمانتده مديون مومى اليك عهده تصرفنده بولنان بك اوغلى جاده سنده يوز مصطفى چلجي محله سنده بك اوغلى جاده سنده يوز يكرمى بش نومروايه مرقم برباب خانه ايله آلتنده دكانك نصف حصه سى محكمه قراريله حجز ايدلمش اولديغندن تاريخ اعلانندن اعتباراً اون بش كون صكره بالمزايدة فروخته تشبث اولنه جنى بك اوغلى بدایت محكمه سى اجرا دائره سنندن اعلان اولنور.

مناظره سنجاني بدایت محكمه سى اجرا دائره سنده :

سلورى قصبه سنده بقال فوطاكي ولد قناكينك قره جه قريه سى اهالي سنندن بقال ليونى ولد انسطاش ذمتده بر قطعه اعلام نظامى موجبجه آلاچنى اولان معلوم المقدار مبالغك تأمين استيفاسى ضمانتده مديون مومى اليك متصرف اولوب مقام رياستندن حجزينه قرار و يريلان قره جه قريه سنده پاپاس زقاغنده جانب يمينى طريق ، جانب يسارى ليونى و قيرنداشلىرى عرصه و خانه سى ، جبهه سى طريق ، آرقه طرفى دخى طريق ايله محدود قهوه خانه بشيوز تيمش التى سهم اعتباريله ايكينوز اوتوز سكر سهمى مجيديه يكرمى غروش حسابيله اللى وينه قره جه قريه سى حدودى داخلنده پاپاس دكرمان موقعنده شرقاً طنغر اوغلى باغچه سى ، غرباً اصماكي اوغلى يوركينك باغ ىرى ، شمالاً ميخلاق اوغلى اصماكينك باغ ىرى ، جنوباً يول ايله محدود بر دونم باغ يرينك اوچ حصه دن بر حصه سى يوز وقشه اللى موقعنده شرقاً طورولسالي اوغلى يوركي اوغلى يانقونك ترلاسى ، غرباً رمضان اغا ترلاسى ، شمالاً كميچي اوغلى ديمتري ترلاسى ، جنوباً بالاجي اوغلى طوقوش ترلاسيه محدود يدي بچق دونم

ترلانك اوچ حصه دن بر حصه سى ايكينوز و قره صو موقعنده شرقاً قره جه كويلي اصماكي اوغلى يوركي ترلاسى و اورمانى ، غرباً دره ، شمالاً پترو اوغلى يانقو ترلاسى ، جنوباً يازيچي اوغلى اسماعيل اغا طاغى ايله محدود بش بچق دونم ترلانك اوچ حصه دن بر حصه سى يوز اون و چاوش دره موقعنده شرقاً ليونى اوغلى ديمتري طاغى ، غرباً چاوش دره ، شمالاً قايونچي اوغلى پترو طاغى ، جنوباً پنايوط اوغلى خريستاكي طاغى ايله محدود اللى دونم اورمانك اوچ حصه دن بر حصه سى بشيوز غروشده طالبي عهده سنده تقرر ايدرك موقه قرار داده سى كشيده قلمش اولمغله يوزده بش ضم ايله زياده يه طالب اولنلرك ني الحجه ليله برابر تاريخ اعلانندن اعتباراً اوتوز بر كونه قدر چتالجه سنجاني بدایت محكمه سى اجرا دائره سنه مراجعت ايللري اعلان اولنور.

قرتال قضاسى بدایت محكمه سى اجرا دائره سنده :

قرتال قصبه سى ساكنلرندن اتمكجي استاوري ولد خريستونك قصبه مذكوره ده ساكن ويانه اوتلى مستأجرى متوفى يوركي يوانيدينك تركه سنندن تحصيل اولنقى اوزره متوفى مرقومك ورته سنندن ليوننجي فوطى عليهنده قرتال قضاسى بدایت محكمه سنندن استحصال ايدوب كسب قطعت ايتمش اولان بر قطعه اعلام و جاهى موجبجه مطلوبى اولان مبلغ محكوم بهك تأمين تسويه سى ضمانتده مديون متوفى مرقومك استغاني ولد ياني ايسپايريدن شراء متصرف اولوب تركه سنندن معدود و مجوز بولنان اطه كيبرده بيوك اطه جاده سنده پانچو و نام ديكرى باغچه اسكله سنده كائن اطراف اربعه سى شريجي آلقو منزلى و باغچه سى و بالقجي اسپرو باغچه سى و بالقجي ديمتراكي منزلى و پروانه ميقو باغچه سى و منياط اوغلنك خراب منزلى و زونجه و لوجيحه منزللري و ديكر منياط اوغلى طودو رينك بقال دكانى و طريق خاص و ساحل بحر ايله محدود طقوز يوز ذراع ريختم اوزرنده مبنى بش نومرولى برباب كوشك مع عرصه ايله سكر نومرولى آلتى بيك آلتى يوز ذراع باغچه عرصه سنده كي اون بر حصه اعتباريله ايكي سهم حصه شايه لرى تاريخ اعلانندن بالا اعتبار اون بش كون ختامنده مزايده يه وضع اولنه رق فروخته تشبث ايديله جكندن طالب اولوب ني سورمك ودها زياده معلومات آلق ايتيانلرك قرتال قضاسى بدایت محكمه سى اجرا دائره سنه مراجعت ايللري اعلان اولنور.